

O‘ZBEKISTON RESPUBLIKASIDA 2023-YILDA AHOLINI RO‘YXATGA OLISHGA TAYYORGARLIK KO‘RISH VA UNI O‘TKAZISH CHORA-TADBIRLARI TO‘G‘RISIDA



O‘ZBEKISTON RESPUBLIKASIDA 2023-YILDA AHOLINI RO‘YXATGA OLISHGA TAYYORGARLIK KO‘RISH VA UNI O‘TKAZISH CHORA-TADBIRLARI TO‘G‘RISIDA

O‘zbekiston Respublikasi “Aholini ro‘yxatga olish tug‘irisida”gi O‘zbekiston Respublikasi Qonuni va O‘zbekiston Respublikasi Prezidentining 2019 yil 5 fevraldagi “O‘zbekiston Respublikasida 2022 yilda aholini ro‘yxatga olishni o‘tkazish kontseptsiyasini tasdiqlash to‘g‘risida”gi PF-5655-son Farmoni ijrosini ta‘minlash maqsadida O‘zbekiston Respublikasi Vazirlar Mahkamasining “2023 yilda aholini ro‘yxatga olishga tayyorgarlik ko‘rish va uni o‘tkazish chora-tadbirlari to‘g‘risida”gi

710-son qarori qabul qilindi.

Surxondaryo viloyat statistika boshqarmasi Ro'yxatga olish bo'limi tomonidan bir qator ishlar amalga oshirilib kelmoqda;

Yer resurslari va Davlat kadastr boshqarmasi, mahalla va oilani qo'llab quvvatlash boshqarmasining xodimlari bilan birgalikda mahalla htsdtsdidagi aholi punktlari kesimida joylarga chiqqan holda aholini ro'yxatga olish tadbiriga tayyorgarlik ko'rilmokda.

2023 yilda Aholini ro'yxatga olishga tayyorgarlik ko'rish va uni o'tkazish bo'yicha aholini xabardor qilish maqsadida Mahalla boshqa tashkilotlarda uchrashuv va o'quv seminarlar tashkil etilib targ'ibot ishlari amalga oshirib borilmokda.

Bir so'z bilan aytganda, aholini ro'yxatga olish O'zbekistonning yangi, mukammal kadastr xaritasi yoki respublikamizning har bir viloyat, tuman va shahri, mahallasi-yu ko'chasi, hatto eng chekka qishloq va ovullarga taalluqli bo'lgan barcha ma'lumotlarni o'zida aks ettirgan yagona axborot bazasi yaratilishini ta'minlaydi.

Mamlakat fuqarolari to'g'risidagi ma'lumotlar har qanday davlat milliy statistikasining muhim qismi sanaladi. Bunday ma'lumotlar ma'lum vaqt oralig'ida aholini ro'yxatga olish tadbirlari orqali to'planadi. Ular nafaqat respublika, balki Yer yuzi aholisining soni, ijtimoiy holati, daromadlari kabi bir qancha muhim axborotlarni hisoblab borishga xizmat qiladi.

BMT dunyo mamlakatlariga fuqarolar bilan yuzaga keladigan bir qator ijtimoiy muammolarning yechimi hamda iqtisodiy ko'rsatkichlarning demografik ko'rsatkichlar bilan mutanosib ravishda o'sib borishini ta'minlash uchun har o'n yilda kamida bir marotaba aholini ro'yxatga olish tadbirini o'tkazishni tavsiya etadi. Yurtimizda mustaqillikdan so'ng keng ko'lamda aholini ro'yxatga olish tadbiri o'tkazilmagan. Shu bois, mamlakatimizda ilk bor 2023 yilda o'tkazilishi ko'zda tutilgan aholini ro'yxatga olish tadbiriga ayni paytda qizg'in tayyorgarlik ko'rilmokda.

Aholini ro'yxatga olish mamlakat hududida millati, elatidan qat'iy nazar barcha insonlarni birlashtiradigan umummilliy tadbir bo'lib, uning o'tkazilishidan barchamiz, siyosiy qarashlarimiz va ijtimoiy mavqeimizdan qat'i nazar birdek manfaatdormiz. Boisi, mazkur yirik ijtimoiy tadbir orqali, birinchi navbatda, jami aholining soni, fuqaroligi, nikoh holati ya'ni rasmiy nikoh, norasmiy nikoh yoki erta nikoh, odamlarimizning ta'lim darajasi (o'rta, o'rta maxsus yoki oliy), yashash uchun daromad manbalari, uysizlar soni, uy xo'jalinining yashash sharoitlari kabi bir qancha ko'rsatkichlar bo'yicha bugungi kunda yetarlicha mavjud bo'lmagan ma'lumotlar bazasi shakllantiriladi. Shaharcha, mahalla, qishloq va ovullar soni hamda ularning chegaralari, turar joylar soni, ulardagi mavjud shart-sharoitlar to'g'risidagi ma'lumotlarga aniqlik kiritiladi.

Yurtimizda ham 2023 yilda o'tkazilishi rejalashtirilgan aholini ro'yxatga olish tadbiri 2023 yilning 1-25 noyabr kunlariga ko'chirildi. Bu Vazirlar Mahkamasining 2020 yil 11 noyabrdagi "O'zbekiston Respublikasida 2023 yilda aholini ro'yxatga olishga

tayyorgarlik ko'rish va uni o'tkazish chora-tadbirlari to'g'risida"gi 710-son qarori bilan mustahkamlandi. Shuningdek, mazkur qaror bilan 2021 yilning 1-25 noyabr kuni Andijon viloyatining Xo'jaobod tumani, Toshkent viloyatining Yuqori Chirchiq tumani, Xorazm viloyatining Xiva shahri hamda Toshkent shahrining Yashnobod tumanida aholini sinov tariqasida ro'yxatga olish tadbirini o'tkazish belgilandi.